



## Concello de Xove

**Xestor de Expedientes. Expediente núm.: 373/2025**  
**Procedemento: CONVOCATORIA DOS PREMIOS DO CONCURSO DO DÍA DAS LETRAS GALEGAS 2025**  
**Documento asinado por: A BIBLIOTECARIA MUNICIPAL**

### **BASES REGULADORAS DA CONVOCATORIA PARA A CONCESIÓN DOS PREMIOS DO CONCURSO DO DÍA DAS LETRAS GALEGAS 2025**

O Concello de Xove, consonte ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, os RD 887/2006, de 21 de xullo e Decreto 11/2009, de 8 de xaneiro, e ao obxecto de incentivar a participación cidadá nos actos programados para a celebración do Días das Letras Galegas 2025, establece as normas reguladoras da participación e dos premios que se outorgarán aos participantes que interveñan no concurso programado ao efecto, de acordo coas seguintes bases:

#### PRIMEIRA.- DEFINICIÓN DO OBXECTO

Constitúe o obxecto das presentes bases a regulación do procedemento aplicable para o outorgamento dos premios do Concurso a celebrar para conmemorar o Días das Letras Galegas, organizado polo Concello de Xove.

#### SEGUNDA.- REQUISITOS DOS PARTICIPANTES

Poderá participar no concurso e ser beneficiario destes premios calquer/a neno/a ou rapaz/rapaza empadroad/a no Concello de Xove en idade escolar (dende educación infantil ata 4º de ESO).

A documentación a presentar será a seguinte:

-Ficha de inscrición establecida ao efecto

A ficha de inscrición deberá presentarse, xunto co/s traballo/s a concursar na Biblioteca Municipal con data límite 8 de maio de 2025.

#### TERCEIRA.- NORMAS DE REALIZACIÓN DOS TRABALLOS

Todos os traballos deberán estar realizados obrigatoriamente en galego.

Os traballos deberán presentarse en folios tamaño A4, por unha soa cara.

Os traballos non poderán ocupar máis de dous folios por unha soa cara.

Calquera alumno poderá participar na súa categoría correspondente, cun ou máis traballos. Non obstante, cada participante non poderá recibir máis dun premio.





## Concello de Xove

---

### A. Concurso Literario para os nenos e nenas, rapaces e rapazas dende 1º de Primaria ata 4º da ESO

-Recopilar unha poesía ou cantiga popular transmitida no oral e que xa puidera ser recollida da voz dos avós ou bisavós ou unha poesía ou cantiga de invención propia. Deste xeito sumaremos sabiduría popular ao noso romanceiro xovense.

### B. Concurso de Debuxo para os nenos e nenas de Infantil

-Debuxo dunha pandeireta ou dunha/s cantareira/s e/ou pandereteira/s.

### CUARTA.- COMPOSICIÓN DO XURADO

O xurado estará formado por un mínimo de 3 membros seleccionados pola organización do concurso de entre os representantes das asociacións culturais, deportivas ou de outra índole, que consten inscritas no Rexistro Municipal de Asociacións, ou membros da comunidade educativa do CEIP ou do IES de Xove.

Actuará como Secretaria do Xurado a Bibliotecaria Municipal, con voz e sen voto.

### QUINTA.- CRÉDITO ORZAMENTARIO

A contía máxima destinada aos presentes premios é de 450 euros € (partida 334.481 do Estado de Gastos do Orzamento Municipal).

### SEXTA.- PREMIOS

Haberá cinco categorías (4º, 5º e 6º de Educación Infantil; 1º e 2º de Educ. Primaria; 3º e 4º de Educ. Primaria, 5º e 6º de Educ. Primaria e de 1º a 4º da ESO) con 3 premios (primeiro, segundo e terceiro) por categoría.

Os premios consistirán en lotes de libros ou material escolar cunha valoración de 30 euros. O xurado poderá deixar deserto calquera dos premios, se así o considera oportuno.

Os traballos premiados poderán ser utilizados polo Concello na realización de publicacións, promocións ou outros. Neste caso, o Concello estará obrigado a que o nome do autor/a do traballo figure nun lugar visible da publicación.

De acordo co RD 439/2007, de 30 de marzo, polo que se aproba o Regulamento do Imposto sobre a Renta das Persoas Físicas, non están suxeitos a retención ningún dos anteriores premios.





## Concello de Xove

---

### SÉTIMA.- PROCEDEMENTO DE ENTREGA DE PREMIOS

Unha vez rematado o prazo de entrega de traballos, o xurado reunirse e levantará acta na que consten os premiados por orde decrecente e por categorías.

Sobre a acta do xurado, emitirase informe-proposta pola Bibliotecaria Municipal, que se elevará ao Alcalde-Presidente, órgano competente para a concesión dos premios.

Pola súa consideración de premio en especie, o establecemento ou establecementos comerciais nos que se adquiren os lotes de material escolar, deberá /n emitir factura a nome do beneficiario do premio ou do seu titor legal. Non obstante dita factura será abonada polo Concello.

### NOVENA.- INFORMACIÓN AOS BENEFICIARIOS DOS PREMIOS

Con carácter xeral, os premios están incluídos no ámbito de aplicación da Lei 38/2003, de 17 de novembro, Xeral de Subvencións, polo que o Concello de Xove é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na Base Quinta (non existe obriga de practicar retención por ser inferiores a 300,00 euros), os premios están suxeitos ao IRPF segundo o establecido no artigo 75.2 do RD 439/2007, de 30 de marzo, sendo a Axencia Estatal da Administración Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.

Non obstante, e de acordo co establecido no artigo 4 do RD 130/2019, polo que se regula a Base de Datos Nacional de Subvencións e a publicidade das subvencións de demais axudas públicas, non será obrigatorio subministrar por parte do Concello información das resolucións de concesión dos premios nin do pago dos mesmos sempre e cando o importe anual outorgado a un mesmo beneficiario non supere a contía total de 100,00 euros.

### ASINADO DIXITALMENTE Á MARXE

